



Broj: 06-14-3293-6/17
Sarajevo, 30.03.2017. godine

Na osnovu čl. 64. stav 1. tačka (b), 70. st. 1, 3. i 6. Zakona o javnim nabavkama („Službeni glasnik BiH“, broj 39/14), člana 1. stav 1. tačka (a) pod (2) Pravilnika sa popisom ugovornih organa po kategorijama koji su obavezni primjenjivati Zakon o javnim nabavkama („Službeni glasnik BiH“, broj 21/15), člana 8. stav 2 tačka (f) Pravilnika o uspostavljanju i radu komisije za nabavke („Službeni glasnik BiH“, broj 103/14), člana 46. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine na preporuku Komisije za javne nabavke broj: 06-14-3293-4/17 od 29.03.2017.godine, u postupku javne nabavke: nabavka i isporuka prehrambenih proizvoda (artikala) i sredstava za ličnu higijenu za pripadnike boračke populacije Kantona Sarajevo za 2017. godinu - uz primjenu E-aukcije u skladu sa Pravilnikom o uslovima i načinu korištenja E-aukcije („Službeni glasnik BiH“, broj 66/16), nabavka broj 06-14-3293/17 od 20.02.2017. godine, obavještenje o nabavci objavljeno na Portalu javnih nabavki pod brojem: 920-1-1-3-3-23/17 dana 20.02.2017. godine i u „Službenom glasniku BiH“, broj: 13/17, Tenderska dokumentacija objavljena na Portalu javnih nabavki dana 20.02.2017. godine, Ministar za boračka pitanja Kantona Sarajevo donosi

ODLUKU

o izboru najpovoljnijeg ponuđača za javnu nabavku:
Nabavka i isporuka prehrambenih proizvoda (artikala) i sredstava za ličnu higijenu za pripadnike boračke populacije Kantona Sarajevo za 2017. godinu
Otvoreni postupak uz primjenu E-aukcije
JRJN: 15800000-6 (Razni prehrambeni proizvodi)

Član 1.

Prihvata se preporuka Komisije za javne nabavke broj: 06-14-3293-4/17 od 29.03.2017. godine i ugovor za javnu nabavku: nabavka i isporuka prehrambenih proizvoda (artikala) i sredstava za ličnu higijenu za pripadnike boračke populacije Kantona Sarajevo za 2017. godinu dodjeljuje se **ponuđaču „BOA“ d.o.o. Sarajevo, ponuda broj: 06-14-11007/17 za ponudenu cijenu od 68,00 KM bez PDV-a, odnosno 79,56 KM sa PDV-om.**
Ukupan iznos ugovora prema ponudenoj cijeni je 170.952,00 KM bez PDV-a, odnosno 200.013,84 KM sa PDV-om za 2514 paketa koji će se dodijeliti pripadnicima boračke populacije Kantona Sarajevo za 2017. godinu.

Član 2.

Prijedlog ugovora o nabavci dostavit će se na potpis izabranom ponuđaču „BOA“ d.o.o. Sarajevo po protoku roka od 15 dana, računajući od dana od kada su svi ponuđači obaviješteni o izboru najpovoljnijeg ponuđača.





Član 3.

Za izvršenje ove Odluke zadužuje se i ovlašćuje sektor za boračko invalidsku zaštitu u saradnji sa sektorom za ekonomske poslove i projekte Ministarstva za boračka pitanja Kantona Sarajevo.

Član 4.

Ova Odluka objavit će se na web-stranici Ministarstva za boračka pitanja Kantona Sarajevo - mbp@ks.gov.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

O b r a z l o ž e n j e

Postupak javne nabavke: nabavka i isporuka prehrambenih proizvoda (artikala) i sredstava za ličnu higijenu za pripadnike boračke populacije Kantona Sarajevo za 2017. godinu pokrenut je Odlukom o pokretanju postupka javne nabavke broj: 06-14-3293/17 od 20.02.2017. godine.

Javna nabavka je provedena otvorenim postupkom uz primjenu E-aukcije.

Procijenjena vrijednost javne nabavke bez PDV-a je 171.000,00 KM.

Obavještenje o javnoj nabavci je objavljeno na Portalu javnih nabavki pod brojem: 920-1-1-3-3-23/17 dana 20.02.2017. godine i u „Službenom glasniku BiH“, broj 13/17.

Krajnji rok za dostavljanje ponuda prema obavještenju i tenderskoj dokumentaciji objavljenim na Portalu javnih nabavki bio je 15.03.2017 godine do 11.00. sati.

Nakon javnog otvaranja blagovremeno pristiglih ponuda Zapisnik sa otvaranja ponuda dostavljen je svim učesnicima postupka na adrese iz ponuda. U zapisniku sa otvaranja ponuda je konstatovano da nijedan prisutni ovlašteni predstavnik ponuđača nije imao primjedbi na postupak i tok otvaranja ponuda, a što su i sami potpisali.

Komisija za javne nabavke imenovana Odlukom ministra za boračka pitanja Kantona Sarajevo broj: 06-14-1989/17 od 24.01.2017.godine dana 17.03.2017. godine izvršila je pregledanje i ocjenu blagovremeno pristiglih ponuda i utvrdila slijedeće:

Blagovremene ponude dostavila su ukupno 3 ponuđača i to:

Redni broj	Naziv / ime ponuđača	Ponuđena cijena (bez PDV-a)	Ponuđena cijena (sa PDV-om)
1.	„Gold Mignon“ d.o.o. Sarajevo u grupi sa ponuđačem „Block“ d.o.o. Sarajevo	93,62 KM	109,53 KM





2.	„Vinojug“ d.o.o. Sarajevo	76,06 KM	88,99 KM
3.	„Boa“ d.o.o. Sarajevo Ilidža	89,66 KM	104,90 KM

Analizom prispjelih ponuda utvrđeno je da u ponudi ponuđača „BOA“ d.o.o. Sarajevo postoje manji formalni nedostaci tehničke prirode.

Stav Komisije uz konsultaciju sa ministrom kao predstavnikom ugovornog organa je da uočeni propusti ne utiču na suštinu same ponude, te da se takva ponuda može prihvatiti i uputiti u dalju proceduru, odnosno u proceduru E-aukcije.

Ponuđač „Vinojug“ d.o.o. Sarajevo je jedini dokazao preferencijalni tretman domaćeg.

Naprijed navedeno je konstatovano zapisnikom o ocjeni ponuda.

Na osnovu ocjenjenih potpunih ponuda ugovorni organ je u skladu sa Pravilnikom o uslovima i načinu provođenja E-aukcije („Službeni glasnik BiH“, broj 66/16) pristupio zakazivanju E-aukcije za dan 29.03.2017. godine u 11.00 sati u trajanju od 20 minuta.

E- aukcija je održana dana 29.03.2017. godine u terminu od 11.00 – 11.20 sati.

Nakon okončane E-aukcije, u skladu sa elektronskim izvještajem dostavljenim od strane Agencije za javne nabavke BiH dana 29.03.2017. godine u 11.21 sati, sačinjena je rang lista ponuđača prema ponuđenim cijenama kako slijedi:

Redni broj ponuđača prema cijeni iz ponude	Naziv / ime ponuđača	Ponuđena cijena (bez PDV-a)	Ponuđena cijena (sa PDV-om)
1.	„Boa“ d.o.o. Sarajevo Ilidža	68,00 KM	79,56 KM
2.	„Vinojug“ d.o.o. Sarajevo	75,90 KM	88,80 KM
3.	„Gold Mignon“ d.o.o. Sarajevo u grupi sa ponuđačem „Block“ d.o.o. Sarajevo	93,62 KM	109,53 KM

Ponuđač „Gold Mignon“ d.o.o. u grupi sa ponuđačem „Block“ d.o.o. Sarajevo je jedini ponuđač koji nije izvršio korekciju cijene putem E-aukcije, odnosno nije učestvovao u E-aukciji.

Na osnovu dostavljenog elektronskog izvještaja od strane Agencije za javne nabavke BiH utvrđeno je da je nakon provedene E-aukcije najpovoljniji ponuđač **„BOA“ d.o.o. Sarajevo** sa ponuđenom cijenom 68,00 KM bez PDV-a, odnosno 79,56 KM sa PDV-om.

S tim u vezi, Komisija je zauzela stav da je obavezna postupiti po elektronskom izvještaju Agencije za javne nabavke BiH dostavljenom nakon provedene E-aukcije, prema kojem je





najpovoljnija ponuda ponuđača „BOA“ d.o.o. Sarajevo sa ponudenom cijenom 68,00 KM bez PDV-a, odnosno 79,56 KM sa PDV-om.

Ukupan iznos ugovora prema ponuđenoj cijeni će iznositi 170.952,00 KM bez PDV-a, odnosno 200.013,84 KM sa PDV-om za 2514 paketa koji će se dodjeljivati pripadnicima boračke populacije Kantona Sarajevo za 2017. godinu na način propisan tenderskom dokumentacijom.

Prema zapisnicima, preporuci i izvještaju dostavljenom od strane Komisije za javne nabavke ocijenjeno je da je postupak blagovremeno proveden, te da je izbor prvorangiranog ponuđača „BOA“ d.o.o. Sarajevo izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te člana 46. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine, odlučeno je kao u članu 1. ove Odluke.


POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se podnosi Ministarstvu za boračka pitanja Kantona Sarajevo u 3 (tri) primjerka.

Dostaviti:

1. Ponuđačima X3;
2. Evidenciji;
3. a/a.



MINISTAR

mr. Muharem Fišo

